


張壽賢兄

抗戰檢討文附後

章伯寅著
增訂再版

國難詩稿

蘆溝橋七七紀念兩週年重印



國難詩稿序

詩以言志，并以紀實。余認識詩之動機，始自
 早晚吟唐詩，相口授第一首為孟浩然詩，如
 聞啼鳥等句，記之胸中，最為爛熟。十齡時，學作試帖詩，讀排律
 初，津為弋取功名，副王具使，失却詩之趣味。此五十年前事也。
 四十歲後，視學蘇省六十一縣，調查遼吉黑冀魯晉豫皖贛鄂
 浙蘇等十二省職業教育，五十歲後，視察平綏北寧平漢道清
 正太津浦膠濟濟隴海粵漢株萍滬杭南京滬等十二路扶輪學
 校，奔走四方，凡國以內足跡所至，遇名山大川，欣賞自然之美，
 或慕聖賢往事，或詢當地物產，輒喜有言志紀實之作。此則為
 真山水所接觸，真性情所流露，積稿殊多，原擬於六十歲時稍
 加整理，作一小結，束以資檢討，豈知閏北一二八之役，南京八

北京圖書館藏

主母

二九以徵京滬寓所先後均為硫磺彈所燬致詩文稿竟隻字
無存民國二十六年國民政府疏散令下時余離鐵道部避難
香山遷徙無常極顛沛流離之苦恐洪楊避難之故事尚未足
形容其萬一二十七年九月應國立師範學院之招隻身至湖
南安化縣之藍田閱安化縣志安化縣之成立在宋神宗熙寧
五年為我遠祖章經制博所首創不圖閱八百六十八年之久
復有裔孫來此任教育職務追念先德益當有以自奮公餘因
將國難期間之詩稿自避難香山日起至藍田滿八足月止得
一百九十八首思本無邪不足詩篇三百客中所記等於簡史
兩年惟於言志紀實之旨尚不相背爰付諸石印以贈親友後
並附檢討文等三篇藉當報告之手冊云爾民國二十八年七
月江蘇吳縣章慰高伯寅氏自序於藍田國立師範學院

國難詩稿

◎避難香山集句

歲月人間促。

朱放。

避難太湖北面香山蔣墩自二十六年八月底至二十七止一月止不覺已屆半年。

烟波處處愁。

薛瑩。湖匪時出。

寸心言不盡。

錢起。萬種心情說不盡言。

風急打船頭。

杜甫。擬至宜。

與下鄉街六弟處避難雇舟後隨時停止。

國破山河在。

杜甫。

中日擴兵之後。

頻年不解兵。

沈佺期。九一八中宵後已數年於茲矣。

勞夢想。

孟浩然。因時事夜不成寐致雙鬢皆白。

何所慰吾誠。

張九齡。輾轉避地竟不知何處是安全地帶。

◎下鄉橋觀銀魚

（在宜興縣東南）

太湖水活下鄉橋。流急風狂似海潮。兩岸懸罾漁婦樂。銀魚捕得百千條。

鮮銀魚當地取以燉蛋食之味極美。

◎胡埭橋聽誦經

（在無錫縣西南）

暮色蒼茫月上弦。漁舟停泊小橋邊。誦經朗朗風頻送。信教依然別有天。

無錫魚船多信天主教晚課須誦經。

●東橫林下邨橋歸後作（東橫林在武進縣東）

亂世驚疑百感傷。行程苦况備親嘗。橫林小屋成灰燼。季弟全家避武昌。

歸來買證始通行。

無錫回蘇州通行證法幣一圓

雪裏衣單兩袖輕。滿目瘡痍何

忍說。飢寒交迫返蘇城。

◎二十七年三月廿五日避居滬西憶定盤路安定邨

何處是桃源。姑居安宅邨。小樓容我住。聊避市聲喧。

◎信步愚園路購盆景而歸

天然一片石玲瓏。幾葉菖蒲入化工。盆景莫嫌方寸小。風光也與四時同。

◎同學劉琴生來訪談避難經過而別

別來無恙否。相隔五年多。漸覺容顏老。時艱更奈何。

◎上海物價房價比前數年昂貴土貨因戰事不易致

米十二元一石屋三十元一間

內憂外患苦相侵。避地真如大難臨。生活維持非易事。米珠薪桂屋多金。

◎滬西各工廠早晚放汽聲與在南京時所聞之警報聲極相似

開工放汽尋常事。聽到原來不着驚。託得白門轟炸日。怕聞同此一聲聲。

◎四月一日起任中西女學教員。回想香山為惜陰中學盡義務事

有天淵之別（中西女學在憶定盤路）

淞濱暫避擁青氈。桃李春風三月天。時局變遷朝暮異。讀書救國屬群賢。
猶記香山半載前。破庵借設講經筵。束脩未受心安樂。設備精良反歉然。

◎訪劉琴生君不值。遊徐園又以改收容所未得入。悵然而返

訪友雖為入幕賓。出門未過去遊春。名園花木還依舊。樓閣亭臺集難民。

◎閱書片刻。偶觀樓前綠楊青草。頗能調節目力

觀書目力費搜尋。時久還教煩惱深。樓外綠楊青草地。果然調節快胸襟。

◎許氏一以醬汁肉於兒童節日。給貧兒充午餐

肉味肥甘醬汁濃。貧兒滋養好儀容。一年佳節叨嘉惠。果腹何勞飯後鐘。

●港西清明節所見

試看柳絲襯桃紅。今歲清明便不同。可惜荒涼焦土外。家家難覓主人翁。
試馬春郊不許通。濠清曲折路西東。農村家屋空如洗。多少門窗作
火烘。祭掃先塋合古風。一般生死可憐蟲。斧痕深劈新棺木。疑有槍
礮入箇中。

◎致季弟書託郭財廳轉未識能到達否

半載風塵歷苦辛。一封書寄漢江濱。未詳地址無從達。輾轉相投問要津。
◎四月七日港江大學校長劉港恩君在靜安寺路被刺聞之惻然
慷慨能言未易才。當年青島共追陪。忽聞白晝遭行刺。究竟何人懷鬼胎。

◎春雨

早起烟雲合四圍。春光暗淡日無輝。出門未覺街頭濕。課罷回家帶雨歸。

◎閱戰報有感

失地喪師經八月。流民戰道不能言。台莊報捷誠堪喜。焦土難招戰士魂。

○四月十日上海文匯報有載克復濟南說

捷報紛傳共討探。包圍遊擊戰方酣。出生入死犧牲大。是否真能克濟南。

○聞南京有五百看護女同胞殉難書此致敬

昔有田橫五百人。留名孤島盡成仁。諸君看護如其數。不畏強鄰願殺身。

○我軍有收復曲阜寧陽說

台莊乍報凱旋聲。有志何難事竟成。北望寧陽南曲阜。從今又見漢家營。

○觀鄰家英國小兒在草地演戲

口唱槍聲手執槍。群兒奔走去來忙。有時伏地如臨敵。青草濛濛各守防。

月夜口占

林梢初上月微黃。我欲眠時照入房。夜半醒來光轉白。一輪收縮色如霜。

○同校女教員吳方二君來廬談話

原來常熟女教師。記得初逢視察時。吳教員在常熟女校任教員時余適任江蘇省視學前往視察今日

舊徒同造訪。方華倚係蘇女師校舊生互談往事讀新詩。

◎閱新聞報文滙報導報華美晨刊華美晚報等六種報紙所載消息

大同小異沉悶之至

電報新聞集舊聞。一般傳報話紛紛。但求時事多推進。全仗當前百萬軍。

◎四月十八日早起見飛機兩架來自西南

雲裏飛機望不清。如雷灌耳一聲聲。蔽天鵬翼差相似。來自西南東北行。

◎英國小兒放爆竹

泥土翻鬆起小墩。埋藏爆竹露微痕。藥條着火轟然響。多少兒童向後奔。

◎春耕歎

家國存亡絕續交。流離顛沛苦同胞。春耕無望嗟何及。黑夜槍聲滿四郊。

◎寄書季弟及喜兒無回信甚念

流水年華快似梭。春光明媚靜中過。寄書漢口吳門去。回信全無究若何。

◎學生王瑞菁以憶江南如夢令詞句呈閱

及門傑出女青年。好寫新詞入素箋。流水落花春去也。讀來語氣更天然。

◎暮春天晴

宿雨初收尚覺寒。開窓生氣透林端。鳥聲不絕如相語。四望晴天眼界寬。

◎中西女校校園一角

鐵門左右許停車。曲徑通幽樹影遮。撲鼻清香何處至。池邊幾架紫藤花。

◎為談掌珠手冊題句

天涯同是寄萍踪。此地偏教綠蔭濃。就學六年留紀念。樓東喜植一株松。

◎校園即景

四圍林木鬱葱葱。初夏光陰渾不同。鳥語書聲琴韻裏。滿園紅紫奪天工。

◎布穀

布穀聲中夏令新。桑田農舍去來頻。今年耕作無人問。此鳥偏勞獨苦辛。

◎中西女學高中三年級生行畢業禮贈以三詩

園林池沼好安排。校舍精良此地佳。欲上三樓勞舉步。扶梯四十七層階。
高中三年級
教室在三樓
遭逢世變閱滄桑。刻苦勤勞永不忘。粥少僧多難就業。

前途升學莫徬徨。

戊寅學級戊寅師。

中西女學是屆高中三年級滿
戊寅級余又為戊寅年生

畢業臨行贈小詩。重與論文三月快。相逢此後更何時。

◎七月二十七日依張滌珊同學原韻和詩兩首

東亞原來說病夫。從今奮鬥滿征途。姑塘牯嶺沙河畔。視死如歸曠代無。
何時同種息兵端。多少強鄰冷眼看。老子雖言衰者勝。是非還是屬
疑團。

◎八月十九日出吳淞口

盡力寬籌四百金。脫離孤島覓知音。飄然此去歸何日。報國心長感慨深。

◎法國留學回國舊徒高元宰在香港送行

香港通衢遇舊徒。酒樓絮話問三吳。明朝海岸勞相送。同是征塵判異途。

◎桂林杉湖旅店述感

昨宵暗淡對秋鉉。輾轉難忘父母邦。苛政相傳如猛虎。居民休想不驚危。
避之若浼離蘇省。隨遇而安入桂江。獨秀山峯高百尺。長天遠望恰當窓。

○登桂林倚虹樓

輕風淡日報新秋。出郭登山作小遊。穿過樓霞幽黑洞。茗談又上倚虹樓。

○九月二十七夜宿貴州獨山

問徧獨山何處宿。旅居覓到小桃源。蚊多通夜無安息。惟有焚香暗閉門。

○十月十七日在重慶雨窓悶坐

悶坐太無聊。如何破寂寥。家鄉消息斷。窓外雨瀟瀟。

○自桂黔川鄂至湘西藍田七絕詩三十八首

昔祿山陷京師。杜甫有國破山河在之起句。試場觀志向。俞樾有花落春猶在之先聲。語多含蓄。留有餘不盡。憂患之中。應具此等胸襟。余行年六十。雖暫時感覺有國破家亡妻離子散之隱痛。然尚不願以衰朽終其身。為本身爭人格。拒非法組織之參加。為民族保自由。求後方生存之出路。遂於民國二十七年八月十九日由滬出發。至香港後。原擬由粵漢路北上。道阻不能行。改經

三水梧州柳州桂林貴陽重慶宜昌沙市藕池南縣沅江靖港長沙湘潭。以達藍田國立師範學院。其間在桂林。因中華職業教育社楊君衛玉之介紹。為廣西教育廳盡義務八日。在重慶以余為教育部留職停薪人員。並為舊鐵道部奉令疏散人員。即至交通部教育部報告行蹤。又候同船離滬之廖院長近二十日。在宜昌以武漢自動撤兵。復候船七日。行路八千。為期三月。見見聞聞。如香港之小販義買。如廣西之歡送入伍。如貴州之苦力駝鹽。如重慶之學生募捐。乃至於德安廣濟等地之報捷慶祝。均屬抗戰建國中談話之資料。而婁山關川巫峽之峻險。以及西南各省鑛產之豐富。人民之刻苦耐勞。尤使我夢寐難忘。寓重慶時並遇舊途周勛成葉紹鈞顧頡剛章元善。相談甚歡。一路所經。先後遇空襲虛驚十九次。聞轟炸者。僅梧州柳州重慶三次耳。每次均有七絕兩首。藉紀當時情況。

自別金陵已一年。逶迤初入桂江邊。午餐未罷聞空襲。轟炸喧傳學府前。
硫酸出品著蒼梧。倭寇從來百計圖。工院縱遭回祿禍。不難再起大規模。
(八月二十五日梧州作)

散步方來麗澤門。忽傳警報各西奔。分區當入老君洞。兵勝惟哀且莫論。
巖洞幽深滿四郊。伏波怪石七星凹。山林姑作藏身地。戰局遷延等着膠。
(九月十三日桂林作)

正是擬思握管時。又傳警報起猜疑。安排獨秀峰前去。還是公家好設施。
獨秀山名號紫金。四圍花木盡成林。板橋泉石園亭勝。總理當年榮戟臨。
(九月十七日在教育廳作)

中空若屋讀書岩。顏守延年品不凡。兩度有緣探古洞。金人守默口三緘。
桂林山水甲天下。自古遊人有定評。盜寇正深須顧慮。況將風景比西京。
(九月十八日在廣西省政府作)

今日剛逢一半秋。桂垣初到又回頭。折腰不願求升斗。陽朔看山上柳州。

躍登避難指揮車。多少行人末路嗟。扶老相隨攜卧具。安全自慰戒無詳。
（九月二十五日上午柳州作）

柳江北岸竹林深。席地還教緩步尋。陌路相逢姑作伴。輕聲低語略談心。
拔地峰巒擁四圍。狄青征伐紀餘威。將台遺址留城北。弔古徘徊送夕暉。
（九月二十五日下午柳州作）

柳江空襲作三回。兩度虛驚未遇災。最後下車惟伏地。頻聞轟炸響如雷。
航空校舍起濃烟。趨避無方伏野田。遠望敵機如鷲鳥。幾回來去幾盤旋。
（九月廿六日在柳州宜山間作）

貴陽山寺記黔靈。避難登臨入小亭。翠柏蒼松多擁護。莫嫌身世似浮萍。
文瀾古籍歎西移。途遇書車步步隨。猶憶聖湖開博覽。蘇詩遷史手曾披。
（九月二十九日貴陽作）

零落行囊未取回。過江待渡欲相催。晴和天氣真難得。警報聲聲入耳來。
海棠溪口去匆匆。避難江濱竹屋中。幾輩呼盧還作樂。不知救急共

防空。（十月四日在重慶江邊作）

觀音岩下舊張園。幽谷深林可避喧。不作個人安樂想。斥資興學仰藩垣。

傍山鑿穴路如龍。八百兒童足可容。警報傳來依次入。自然安靜不

逢凶。（十月五日在四川王縉緒主席創辦之巴蜀中小學內作）

中秋明月照天高。夜襲頻傳第一遭。幸防空周且密。敵機飛到亦徒勞。

雞鳴初唱曉微寒。洞口泥凝濕未乾。慈母徧尋兒女處。電筒光亮幾

回看。（十月八日在巴蜀中小學作）

船正離渝駛向東。數聲放汽報防空。龍門浩至觀音壩。卅里江流警戒中。

兩岸山家避地忙。一船容與水中央。取名康定心安定。還讀吾書淡

君忘。（十月廿二日在重慶途次康定船上作）

停泊鄞都江上時。風高湍急月來遲。打鐘警報傳空襲。我睡方酣竟未知。

曉起空濛霧氣籠。船行石柱險灘東。秦家良玉勤王地。史冊昭垂巾

幘雄。（十月廿四日在鄞都萬縣間作）

樂善堂街天主堂。莊嚴宏麗竹林藏。六間地室安而靜。表亦居然據一方。

黃鶴樓頭樹敵旗。難民疏散話臨歧。渾忘顛沛流離苦。勝利還期最

後時。（十月二十七日宜昌作）

滿城風雨過重陽。鐵鳥飛來勢緊張。暫避自然成習慣。佛頭着糞也何妨。

何時南下去長沙。滿腹懷疑亂似麻。夜半買舟甘冒險。前途又怕不

通車。（十月三十一日在宜昌作）

船不東行反向西。祇因警報迫江堤。逆流而上過沙市。如鳥驚弓路失迷。

箱籠積壓滿船中。多少行人未許通。踟躕一隅難起坐。忍飢豈是阮

囊空。（十一月四日在沙市途次作）

小舟暫泊赤松亭。警報傳來不忍聽。此去洞庭湖浩渺。暮烟籠月雨冥冥。

半途爭附退休兵。謝絕何如笑面迎。彈雨槍林猶不避。同舟共濟亦

常情。（十一月五日在南縣沅江間作）

划船將近泊長沙。空襲群傳戒不譁。嶽麓山前傳片刻。一肩行李路三叉。

夜深月黑抵湘潭。何處登車本未諳。逆旅苦無容足地。徬徨歧路竟難堪。(十一月八日在長沙湘潭間作)

車抵湘鄉楓樹山。誤傳警報閉柴關。風聲鶴唳何庸懼。知是工人值散班。輾轉征塵路八千。明朝終點到藍田。曉行夜宿多霜露。茅店聞雞月在天。(十一月十日在湘鄉激水間作)

○師院生活素描

軍號悠揚早起時。註一唱歌行禮對升旗。註二白衣藍服交相映。註三翠

柏黃楊逞異姿。註四大學爭來聽大學。註五名師畢竟是名師。註六各科

研究忙開會。註七補習燈前尚未遲。註八

(註一) 師院作息時間。盡吹軍號。以早起之軍號。最足驚起同人。

(註二) 每日全體師生早起唱黨歌。行升旗禮。已成習慣。

(註三) 生物實驗時。教授助教穿白衣。學生穿藍色制服。相映成趣。接連三小時實驗。更有興。

(註四) 旗杆之北。翠柏高約三丈。其南黃楊樹僅尺餘高。在許多林木中有異姿。

(註五)

先總理以大學之修齊治平為中國至寶。院內列四書為

(註六)

國文系主任。為中國有教之名宿。余暇時曾往旁聽。

(註七)

教育數理化國文英文等學會。

(註八)

英文國文。均于夜間有補習功課。程度差者。以英文為較多。

其二

棉服儼然警察裝。

註一 導師出入各房廊。

註二 幾行國訓宣傳廣。

註三 萬

卷圖書手續忙。

註四

新屋落成名乍定。

註五

小樓勝景覽何妨。

註六

食時

不語原尊孔。

註七

口令高呼始敢書。

註八

(註一)

教授有穿國貨棉布大衣者。

(註二)

學院行導師制。每一教師指導學生約十人。出入學生宿舍。甚忙。

(註三)

禮堂外門額上有忠孝仁愛信義和平之國訓。

(註四)

新創師院。買書尚不多。最近已借定妙高峯南軒圖書館書籍。

(註五)

高坡之上。新建教室九間。有擬以世永堂命名為請者。院長謙遜未達。未幾定名為九思堂。

(註六)

圖書館樓上。可望山林泉石之勝景。

(註七)

食不語。本鄉黨篇句。院內膳堂。食時肅靜無聲。

(註八)

師生同桌膳食。雖開始舉箸。亦聽軍事教官口令。

其三

茂林修竹俗塵無。註一 鑾舍形成六口圖。註二 闔北一生先捷足。註三 江南三老早留鬚。註四 傷兵教課何勤奮。註五 執委調羹亦步趨。註六 平治球場通力作。註七 習勞陶侃竟無殊。註八

(註一)

院內外多茂林修竹。

(註二)

院中心舊屋。分縱橫二排。二列。除中央作禮堂食堂。可以相通外。每排列後屋。上下可二十間。共得八十間。

(註三)

學生中到院最早者。為福建古田余澤清。經閩贛到湘。形。計有天井六個。有走廊可通。天井皆作長方橫方。

(註四)

職教員中有鬚者得三人。在魚貫入膳堂時。在排班行。升旗時。均可見到。

(註五)

化學教授課餘騎馬。傷左手。紫綢布如傷兵。傷未愈。照常上課。

(註六)

化學教授課餘騎馬。傷左手。紫綢布如傷兵。傷未愈。照常上課。

(註六)

廳務執行委員親入廚房。安排一切。注意衛生。膳食

(註七)

院外新租一長方形地面。由師生合力開作球場。

(註八)

倭寇深入。正需練習操作。以謀對待。晉陶侃之運甓習勞。可作先例。

其四

霜晨跑步不辭辛。

註一 訓練能經百戰身。註二 遠望西南雙塔影。註三 近

看東北大車輪。

註四 往年曾有三千眾。註五 此地先來七工人。註六 爆竹

聯珠聲震耳。

註七 幾回紀念事猶新。註八

(註一)

早起操練。跑步最多。好似訓練行軍。

(註二)

校外西南望。可見相對之兩塔。

(註三)

校門至河畔。灌田之大水車。

(註四)

附近頗多。孔門弟子。有三千人。余往年教過師範及中等學校學

(註五)

生。前後二十餘年中。又足有三千人。有七十二人。

(註六)

師範到院學生截至十二月二十五日止。有七十二人。內有女生二人云。

(註七)

湖南爆竹。委負長西安出險日。均放炮竹。以資紀念。

(註八)

◎六十感懷詩

民國二十八年二月十八日。為農曆戊寅歲大除夕。適當 慈高六十足歲之生辰。青春難再。正尼山耳順之年。白首徒吟。有伯玉知非之感。撫今思昔。能不悵然。因用一先韻。得感懷詩一百韻。

餘生離虎口。流落轉藍田。妻兒諸弟散。家室無拘攣。宵深燈影暗。時或夢相牽。記經香港島。食宿費萬錢。長安居不易。暫息原苟延。九龍非我有。異國更垂涎。樓船進三水。星斗向北躔。西經羚羊峽。奔騰波濤濺。珠江至梧柳。敵機轟市廛。桂林觀山水。閏月月正圓。有唐黃巢地。故老久相傳。小住無多日。由黔而入川。鐵鳥遇十次。目銳過鷹鸇。汽車登高嶺。駕駛技術專。戰戰若有懼。惟恐墮深淵。故作鎮靜貌。噤口似寒蟬。山險景愈好。雲霧萬重穿。天低地忽聳。輪轉若蹣跚。奇峰通一線。彷彿盪鞦韆。拔海五千尺。飄飄若登仙。苗民偶或見。厥貌尚顛顛。多數頭纏布。面平而高顚。軀幹稱強健。蓄髮長且鬢。為江達松坎。處處畫圖懸。高下灣曲過。瀑布響潺潺。前途

綦江近。有似洛與瀘。海棠溪口到。渡江認一椽。舊徒既相聚。留春結酒緣。
蜀道行匪易。登高衣裳褰。東下過巫峽。攬勝萬應巔。宜昌登岸後。軍略忽
已宣。撤兵離武漢。當局本從權。載道流民苦。驚弓似飛鳶。風霜儘飽受。冒
險約同船。藕池深夜渡。異味嘗冰蓮。靖港換舟楫。魚買縮頭鱸。長沙過激
水。臨流清且漣。漸離危險境。幸免清壑填。今居國師院。忍之夜不眠。回潮
已往事。虛度六十年。乳名大和尚。間亦善參禪。少小學佻舞。祭孔習豆邊。
家寒常苦讀。曾習敲門執。受知瞿督學。府庠列班聯。萱姜先椿謝。沉疴痛
未痊。南闡差一字。孝廉竟棄捐。嗟哉命不濟。潘岳悼斷弦。無以為生計。教
書擁青氈。留學往三島。當時竊慕焉。禮失求諸野。思齊為見賢。豈知心叵
測。彼族大糾纏。日俄戰爭起。侵畧始動員。武昌義旗舉。我正執教鞭。閱歷
知多少。記叙亦堪憐。筆述教育史。美日各分編。研究心理學。得魚未忘筌。
斐律賓遊記。言簡意拳拳。考察遼吉黑。張綬復幽燕。平津聚毛織。民性習
安便。絲綢產蘇浙。風度故翩翩。農工商職業。建國均當先。力農務開墾。端

在手足胼。但使無棄地。邊塞闢南滇。宣化取鐵質。煤鑛勸陽泉。澡身驪山麓。玻璃駢宿遷。鄱陽觀磁製。棲霞實杜鵑。華嶽徒步上。泰岱登高巔。諸峰兒孫列。棋局縱橫汗。豈止小天下。元龍氣無前。遊覽江南北。洞庭漢湘邊。深知稼穡苦。食不能下咽。何時能後樂。岳陽樓留連。雄關登第一。太陽旗色鮮。秦晉中原地。此恨亦縣縣。國恥隨在見。百慮苦憂煎。蘇省六一縣。足跡幾周旋。視學諸紀載。積稿手自研。推敲費歲月。豈敢謂無愆。三益村舍宿。官小部選銓。交通經鐵道。行程路萬千。詩文隨筆錄。無慮千百篇。就正於有道。彙集待雕鐫。奈何燬於火。京滬兩烽烟。心血費幾許。兵燹竟蕩然。如為賈島祭。人或笑痴顛。追思重筆錄。記憶苦難全。不作傳世想。道義擔鐵肩。衣但求土布。奚事門芳妍。食寧甘粗糲。何忍醉華筵。卧薪且嘗胆。雖老志益堅。誓不為敵屈。寸衷此義義。昏夜常省察。願以告蒼天。人人盡職責。忠貞志不偏。鑛源多開發。金鐵煤銻鋁。踊躍當兵役。會看奏凱旋。青天白日下。積毒洗腥羶。雷霆萬鈞勢。轉坤更旋乾。勝利必屬我。此語真妙詮。

可以操左券。誌之薛濤箋。努力復努力。國人共勉旃。

●參加國師同樂會表演

一回強迫唱開篇。本地蘇腔不撫弦。再唱古行軍曲譜。童心尚未減當年。

●國立師範學院開學日賽毬

拉拉聲呼似唱酬。忽來忽去向籃投。平均分數為師少。弟子惟輸最後毬。

●借書

借閱圖書慰寂寥。登樓填表折吾腰。未防背後星星火。燒着長衫一角焦。

●藍田市況

藍溪橋對福星橋。兩岸長街地透潮。一路低頭防滑脚。不銷魂處也魂銷。
錦塊肩挑赤足行。往來夾雜負傷兵。拖泥帶水高低路。陰雨連朝不放晴。

●憫童工

百鍊純錦質。形成似斗方。一肩挑重擔。

七寸斗方形。重三十磅。當地價值八元。兩足走慌忙。

錫鑛山開發。藍田市卸裝。童工真勉力。身瘦面微黃。

◎勉再陽姪兒自交輜校畢業入機械化部隊寄成都軍校季弟
共道時危急。風淒雨打窓。自強真不息。多難足興邦。手刃開門盜。心欽守
戶危。果然能殺賊。人格便無雙。

◎世界上極北之一學校

見卡奔德世界遊記阿拉斯加

冰天雪窖唱歌詞。地號巴羅產鹿麋。捕得鯨魚求放假。捉將海豹共娛嬉。
男教烹飪調雞蛋。女學裁縫接獸皮。垢面蓬頭催入浴。土人愛戴美人師。

◎登師院九思堂作

北斗南天任仰瞻。堂高取義九思兼。幾重階級鋪軌路。十二闌干對屋檐。
竹影松濤依舊有。書聲琴韻恰新添。萬方多難驅窮寇。莫道山間可養恬。

◎同院諸君子以六十賤辰借春酒相勸美意可感爰謝以詩

六十避難人。生日逢除夕。少壯已蹉跎。駒光如過隙。老大事無成。搔首髮
斑白。名利俱淡視。幾次遭橫逆。國難無已時。中心懷鬱積。同仁勸春酒。殷

勤何好客。却之既不恭。心領未安適。必如仁者壽。祝之方入格。殺身以成仁。此理堪尋繹。抗戰卧沙場。何止萬千百。槍林彈雨中。血流地成赤。雖死猶有榮。壯哉襄馬革。民族生命長。惟視忠義魄。團結我精神。先難而後獲。天下之興亡。匹夫均有責。個人修短數。請弗拘形迹。

◎農曆元宵節後散步山林間作

不覺泥途滑。遙聞炸藥轟。

是日師範學院正在試驗炸藥

思鄉多積憤。救國豈忘情。霽雨

連三月。春雷第一聲。密雲天意助。何以滅驕兵。

◎二月廿五日參加第十二組宣傳隊作農村運動在表演時

聽眾中有以拳術助興者兩人因作七絕五首以記其事

加入宣傳小集團。不因風雨便偷安。泥漿儘濺衣衫濕。足下還當仔細看。

泥濘東上太平橋。又一亭南路不遙。厚德園中新表演。農村甲長快

相招。

總地名文達灣

訪問農村三十家。多情忙迫去煎茶。勤勞從識民間苦。

服役何嘗起怨嗟。

二百戶中服役者有三家

阿父從軍阿母亡。三兒瑟縮破衣

囊。此心惻隱人皆有。我亦同情解阮囊。
莫道鄉民知識無。同情抗敵疾聲呼。打拳習練平常事。不學朝鮮亡國奴。

◎憶江南

錫鑛原非錫。錫鑛山所產是錒可作合金之用世俗誤以為錫。藍田不藝藍。相傳宋張南軒經此作塗色用藍田顧名思本義。格物少窮探。山暝連朝雨。林園百尺嵐。尋梅春景好。令我憶江南。

◎第一民衆學校成立前一日

國立師範學院第一民衆學校設師院東首太平巷內余於成立日贈以一聯上聯云。太平巷外風景無雙此當年我祖開疆梅山華面下聯云。羣衆集團校名第一借此地生公說法頑石點頭

太平巷裏講堂開。師弟欣然絡繹來。高揭國旗行敬禮。公民常識好栽培。
麥苗青處菜花黃。翠柏蒼松襯夕陽。野食安排空氣足。麴條適口亦充腸。

◎三月二十五夜由鐵道方面傳來放棄南昌消息

軍家勝敗極尋常。戰略移防莫自傷。鐵道傳來消息快。昨宵寇盜掠南昌。

◎楚南地勢鳥瞰

五嶺山光不斷青。奇峰衝嶽雁回翎。西南高峻超東北。沅澧資湘匯洞庭。
粵漢株萍路不平。湘黔湘桂上西行。易家灣北長沙地。自古兵家所
必爭。

◎己卯花朝為先嚴九週年忌辰異地追思泫然淚下

遺訓無忘學吃虧。弟兄離散不勝悲。兒孫幸有從戎志。祭掃還看奏凱時。

◎清明節散步村舍間見桃花而未見楊柳

散步邱樊村舍間。桃花紅襯一溪灣。清明徧覓無楊柳。此地原來處處山。

◎兒童節聞警報

今日兒童節。天公忽放晴。午餐猶未食。警報發連聲。疏散山間去。聯翩樹
下行。片時無動靜。又是一虛驚。

◎觀祭掃有感

山溪曲折水迢迢。幾樹桃花傍野橋。荒塚徒留碑石立。新墳到處紙錢飄。

祭餘猶見濃烟繞。拜罷還將濁酒澆。獨有戰場埋死士。忠魂未必有人招。

◎答同學殷鍊君

展誦新詩三十一。聲音笑貌若相親。太湖石壁司徒廟。我亦前年去避秦。

吳頭楚尾一封書。令我傷心憶故墟。傳說反攻官漬里。還來重整舊

田廬。

◎敵在晉濫用偽鈔侮我聖賢遺像聞百元鈔印軒轅像十元鈔印關

羽像五元鈔印岳飛像一元鈔印孔子像是烟幕彈之作用也

倭奴侵略貪財賄。毒計深心終未改。花樣翻新製泉刀。聖賢受辱成傀儡。

◎山居集唐人句兩首

曲徑通幽處。(常建)瀟湘水北流。(張翥)長沙卑濕地。(張均)山木杜鵑愁。(劉長卿)

廢世若大夢。(李白)茫茫吾何思。(陳子昂)一覽衆山小。(杜甫)白雲無盡

時。(王維)

◎感時集句三首

肉食那知以死爭。(宋文天祥) 平明流血浸空城。(唐岑參) 更生更聚終須報。

(唐白居易) 願得獐狝十萬兵。(宋李師中)

指揮戎虜坐瓊筵。(唐李白) 要奪漁船作戰船。(宋汪元量) 嶺上萬松多斫盡。

(宋汪元量) 甘心賣國罪滔天。(宋文天祥)

暗拋珠淚落船頭。(宋汪元量) 風起雲飛不自由。(宋文天祥) 願得此身長報

國。(唐戴叔倫) 早期戮力復神州。(宋鄭思肖)

◎述感集句五首

空嗟覆鼎誤前期。(宋劉子翬) 萬里風霜鬢已絲。(宋文天祥) 兵馬渡江人走

盡。(宋汪元量) 竟無一個是男兒。(五代蜀花蕊夫人)

風烟四海自紛紛。(明孫承宗) 椎鼓鳴鐘天下聞。(唐杜甫) 逆氣數年吹路斷。

(唐李白) 不堪回首望吳雲。(宋汪元量)

馬頭行處即長城。(唐李涉) 金鼓轟轟百里聲。(宋陸游) 獨有春風知此意。(宋

林景熙) 紅旗遙識漢家營。(唐竇牟)

定遠何須生入關。(唐李益)逢人漫說宋文山。(明戴重)男兒卻解腰間劍。(唐

王維)不破樓蘭終不還。(唐王昌齡)

北望中原淚滿巾。(宋陸游)年年杜宇泣冬春。(宋林景熙)更催飛將追驕虜。

(唐廣武)不信江山屬別人。(宋鄭思肖)

◎贈表公為教授

山間乍聞小家庭。溪上泉聲側耳聽。一曲求凰成眷屬。同看草色入簾青。

◎雨後

戴笠騎牛背。田間遇牧童。溪流多濁水。雲合少清風。野樹添新綠。山花放小紅。呼晴聲斷續。鳥語喚天空。

◎南京淪陷後欲歸不得集杜甫句

胡虜登前殿。難知消息真。故鄉歸不得。舟楫控吳人。

◎湘黔路拆卸軌道集杜甫句

塞上風雲接地陰。萬方多難此登臨。車箱入谷無歸路。估客胡商淚滿襟。

【國際之謎】

德國南併捷克。東北據米美爾。近又東侵波蘭。引起反德示威。意國東南併阿比西尼亞。近又東佔阿爾巴尼亞。西班牙已入法西斯之懷抱。全歐洲不能無事。日本侵我不已。又佔海南島。斯巴特萊群島。與香港安南呂宋有密切關係。究竟英法美蘇陣綫如何。是今後之絕大問題。民國二十八年春。用十萬韻得一百句。

回溯二十年。凡爾塞定約。於今食前言。此理堪思索。民族有異同。地勢犬牙錯。經濟壁壘高。相互充囊橐。壟斷各懷私。彷彿飛鷹搏。畢竟公理無。強權等虎攫。日不沒國家。版圖過寥廓。保泰緣持盈。棋局輸一着。為憐張伯倫。希特勒聯絡。奧捷先後併。波蘭不示弱。拉丁法總統。渡海參戎幕。意相墨索尼。雄志動遠略。崛起地中海。難填其慾壑。嗟哉阿比西。宰割入鼎鑊。犧牲西班牙。於心究何若。阿爾巴尼亞。被圍受束縛。誘日三角盟。其實皆偽託。異夢恰同牀。難逃眾口鑠。可恨我東鄰。乘機事開拓。藐視中華民。知

識太淺薄。九國公約撕。散圖多收穫。奪我東北去。浪人儘飄泊。調查無公論。國聯何淡漠。溥儀拘長春。傀儡守寂寞。漢奸汝耕輩。刑應受炮烙。敵攻廬溝橋。淞滬又肆虐。兵器誠不如。無寧失城郭。彼族貪狼心。窮極其凶惡。屠毒我人民。姦淫復剝削。流血竟成渠。江漢復河洛。人道全不顧。聞之為驚愕。抗戰屆三年。我有神秘鑰。莫謂寇盜深。求伸守尺蠖。持久有南針。精神更振作。練兵數百萬。游擊安耕鑿。大局可轉安。良將有衛霍。謠傳新秩序。末路平沼閭。海島據瓊南。太不自量度。英法美蘇邦。難再唯唯諾。志在驅白人。何能安逸樂。國際成問題。莫守舊部落。螳螂欲捕蟬。後更有黃雀。誰得解糾紛。雞群立一鶴。國民速醒來。毋聽魯之削。精神總動員。沙場同活躍。勿作袖手態。旁觀目灼灼。努力為國家。有進無退卻。中國能復興。世界得救藥。一髮繫千鈞。至言足咀嚼。普告我國人。借此為木鐸。

◎ 自省吟

衆睡難為我獨醒。茫茫身世等浮萍。生平不喜杯中物。老至還書座右銘。

左定脚跟心鎮靜。放開眼界性通靈。學仙學佛皆非願。清夜鐘聲最愛聽。

◎閱報知倭奴三島反戰甚烈勢將自斃

倭奴野性似貪狼。三島安寧起恐慌。大阪市焚槍械庫。橫須賀炸海軍倉。勞工標語愁窮苦。教授思潮反戰狂。不戢原來成自斃。楚歌四面更難防。

◎哭中央大學詞曲教授吳瞿安

桂林酬唱記前年。燈下聽歌八月天。一別竟成千古恨。元音歇絕哭南滇。

①上年寓桂林時。曾往訪數次。余贈以七律一首。瞿安亦以近作見示。

②血悲塵劫。動地春雷。炮威名。經醉湖山。得朝氣。不祥文字。感勞生。幽

耕。未辨王官谷。美饌如遊。護世城。何日長河洗兵馬。一犁梅雨共歸

③同稔廣西歌劇兩次。其腔調脫胎於徽調漢劇。

④其後余由黔川鄂來湘省。瞿安以兒子迎養住雲南大姚縣地方。

◎即事集唐杜甫句

政府為獎勵志節不棄。特給以卹費三千元。

在大姚李旂屯逝世。國民

交態遠輕薄。分曹失異同。雲霄今已逼。揮淚各西東。

◎讀文文山集

文章四十七篇多。我愛高吟正氣歌。孔曰成仁兼取義。綱常名教大包羅。

◎英法等國備戰日急似將至第二次世界大戰之前夕（集唐杜甫句）

萬國尚防寇。何時見息兵。健兒寧鬥死。鎮靜示專征。

◎贈前湖大教授宗子威寄新化

君早東坡一日生。詩豪酒俠久心傾。虞山二十年前事。回味追思別有情。

◎四月卅日敵機二十七架以機槍掃射藍田九十亭。

巧值星期日。藍田又着驚。

（余於上午十時
則在溪塘洗浴）

敵機三九架。空襲百餘兵。遠

遶昂頭望。轟轟聒耳聲。縱云槍掃射。無法滅忠誠。

◎五月七日第一民衆學校借師院操場開懇親會。

開會歡迎報告先。防空常識講長篇。學生家長逾三百。民衆來賓近一千。紙繳高張遞赤日。米糕分贈遍藍田。課餘游藝含深意。擊鼓彈琴合管絃。

◎集李太白句斥漢奸

破敵誰能料。紛紛亂若絲。西飛精衛鳥。出入畏人知。

◎聞岳陽敵有後撤消息集李太白句

殺氣橫千里。雲空海霧消。洞庭鄉路遠。插羽破天驕。

◎英有反侵略組織集李太白句

自作英王冑。常為大國憂。鼓聲鳴海上。他日更相求。

◎五月十二日聞警報入第一防空壕

今朝正是擬加餐。風日晴和四座歡。緊急聞鈴心有異。匆忙吐哺面相看。
見機而作拋工作。入土為安不覺安。片刻虛驚如往事。松林席地略盤桓。

◎詠芸香科柚花

我愛花開白。烹茶可入甌。俗名稱代代。葉色碧油油。橘柚無雙譜。芸香第一流。臚瓶清水養。對此足忘憂。

◎曉起

昏夜蛙聲鬧。侵晨鳥語驚。豈為逢首夏。齊作不平鳴。畫角催人起。詩心動客情。林深窓戶綠。好共硯田耕。

◎赴金盆園寫沿途風景

公暇思疏散。相將出李園。溪邊三百步。路過一家村。石壩隄高築。山泉水半渾。秧田新雨足。松澗晚風喧。曲徑通幽沼。平林抱大門。未逢看落日。東坡有山頭落日側金盆句榜字現金盆。

◎為第一民校編高年級書一課課題豆漿豆腐「豆漿豆腐是漢朝

淮南王劉安所發明造法以黃荳為之。先在清水內浸透磨成豆漿濾去滓而煎之。澱以鹽鹵汁就鍋內收之。便成豆腐。又有傾缸內以石膏末收之者。豆漿可充飲料內含水。分蛋白質脂肪。糖分均與牛乳無少異。食之足以滋養身體。豆腐可當飯菜。為民衆食品之一。其味殊美。我國人曾在巴黎開設豆腐豆漿公司。法國人食之稱豆漿為人造牛乳。稱豆腐為無骨之肉。其實實可知。第一

民校為慎食衛生起見，先製豆漿豆腐平價出售，收回成本，與辦合作社之性質相同。編既成，作七絕一首。

淮南食品創當初，好作兒童一課書。異國豔稱滋養足，詞羹畢竟勝園蔬。

◎為民校編中年級「新禽言」一課。「飛禽就是飛鳥，牠叫的聲音就可以表示出牠的對於人的意思。這幾天是陽曆的五月，在陰曆為四月，每天的早晨或者半夜，總聽見一種飛禽在那個時候不斷的叫着，叫的是『家家布穀，家家悅服』。『家家布穀，家家悅服』本來這個飛禽名叫布穀，辨別牠的聲音就是叫許多農人快快在初夏的時候布穀種於田內，到了秋收的時候可以有收成，可以悅服區區禽言的不錯。現在聽這禽言的意思，又起了新的變化，牠叫的是『家家役服，家家快樂』。『家家役服，家家快樂』，即就是叫人對於徵壯丁的役使要去服務，對於築防空壕的役使要去服務。那末將來驅逐敵人，打勝敵人，以後就可以家家過快。

樂的日子了。」編成又作七絕一首。

可以人而不如鳥。新禽言勝舊禽言。晨昏驚破癡迷夢。來去山間橘柚村。

◎我家六弟任軍校兵器教官。一陽姪學軍需。再陽姪學機械。化炮科先後畢業。喜而書此。

存亡一髮繫千鈞。投筆從戎士氣伸。差喜我家軍事學。弟兄父子得三人。

◎五月廿一日院長暨教務主任慰勞民校教師在沙灘上野餐。

秧田松徑下斜坡。行禮莊嚴唱黨歌。師訓靜聽橫膝坐。羹湯麵食味如何。

欣賞山林大自然。花香鳥語送流泉。多生藝術多生趣。高唱沙灘一

短篇。（餘興請桂多生君唱京劇探母流水板。想當年沙灘會）

◎集蘇東坡句兩首誌感慨

生長兵間早脫身。我雖窮苦不如人。風流耆舊銷磨盡。（同學兄以著謝世已多年。同學弟

考先聞得半身不遂病）農事何時手自親。（十五年前購橫徑田十餘畝。早有歸耕意）

落花飛絮滿衣襟。晚歲猶存鐵石心。東海桑田真早暮。更燃松炬照幽深。

◎五月三十日為民衆校編藍田課文。「我國版圖極廣以藍田兩字冠地名者殊多即以圖書攷之已得四處其一為陝西省之藍田縣在西安之東南其二為藍田山在藍田縣之東出美玉極有名所謂藍田種玉者蓋指此其三為藍田關在藍田縣之東南亦稱藍關古詩云「雪擁藍關馬不前」即屬其地其四為湖南省安化縣之藍田市在安化縣極南之常安鄉內史稱安化縣之成立始自宋熙寧五年即民國紀元前八百四十年由章惇降梅山洞蠻後所設置至藍田市命名之初意相傳宋張南軒經此謂地宜藍後果種藍彌望因為名我等久居藍田一帶不可不知藍田市之所由始也編成作七絕詩以記之。

若秦若楚界分明。縣市關山一樣名。莫羨物華稱種玉。秋收還是望深耕。

◎巨蛇

五卅紀念日。發現一長蛇。章身黃黑色。鉅口張利牙。盤旋院外樹。捕者劉

啟華手指縱咬破。悲痛見血花。效法乃祖斬。除害路三义。取歸作標本。勇敢亦足嘉。吾思抗戰士。勿懼敵驕誇。結果將自斃。與此不相差。

○六月三日民校學生捕穿山甲意欲售諸師院備作標本

後為藥肆所得。

民校一學生力擒穿山甲。歸以獻薛師。明知不可狎。分類列爬蟲。乾製入鏡匣。利用應如何。入藥精製法。

○六月四日師院紅隊第一次與大麓中學第二隊在藍田

車站比賽籃球。

藍田車站看逐鹿。互打籃球眩衆目。精采動人日方中。國師前盤輸大麓。幸而餘勇有轉機。連珠跟進何神速。猛烈還是三將軍。配角精神不退縮。劉備接着笑呵呵。黃忠手法亦純熟。隊員終場未變更。態度大方見親睦。可知君子無所爭。尚武精神須教育。鼓掌聲中紀錄新。四分加至二十六。

○六月六日師院舉行教師節集會事後作歌一首

陰曆六月六。貓狗洗冷浴。神廟晒錦袍。此係舊風俗。陽曆六月六。又有新節目。記得八年前。京中央大學。發起卽爽秋。簽名群贊服。目的至單純。改進新教育。待遇求提高。保障長繼續。進修更緊要。三事同商榷。小學尤所需。為謀公眾福。定名教師節。陳之我當局。今放半日假。開會等告朔。議論公而允。餘興亦快樂。排球小試技。攝影傍修竹。編此簡單歌。方告一段落。忽接教部電。譯罷幾回讀。重師且尊道。精神求專屬。令改教師節。定期布公牘。八月二十七。孔聖誕慶祝。抗戰第二期。提撕在先覺。力量應集中。美必長沙哭。所恨敵深入。流民圖萬幅。苦幹儘埋頭。千萬勿退縮。持久和遊擊。何難漸驅逐。教師卽軍師。此語容思索。仁者當無敵。侵畧必誅戮。還我舊山河。發揚中華族。

◎六月九日偶成

被薄深宵冷。衣單破曉寒。愁多知面瘦。食少覺腸寬。歸去疑無路。還來感不歡。待時須守約。盡力慰加餐。

○述感集陸放翁句兩首

初報邊烽照石頭。淡烟依舊送孤舟。遠途始悟乾坤大。水下荆楊日夜流。

遠遊無處不銷魂。暮過三家水際村。十里羊腸僅通路。冷雲微雨濕黃昏。

○六月十三日正午接根據姪兒桂林函附寄友人梅君西湖

蜜月旅行詩正披閱間忽警報至因成此詩。

方聞來書附寄詩。西湖蜜月慰相思。忽傳警報藍田至。且避松林度片時。

○十四日上午九時半師院學生上軍訓課時有警報至未下堂

視察同臨大禮堂。

軍管區將科長唐上校來視察

集中軍訓服戎裝。

姚教官正上軍訓課縱聞警報

頻々迭振奮精神未退藏。

○端午節

曉起先溫角黍膏。

（周摭肱君以蘇人所裹之內粽見惠溫而食之其味與在吳苑所購者絕似）

客中聊以過端

陽。

（余向例端午必食黃魚湖南無此風味不免有食無魚之歎）

龍舟不許藍橋渡。

（藍田雙橋河下端午本有龍舟競

漢現以抗雲集新聞游泳場。（師院新設游泳場往游者今日獨多）

○請明寧鄉呂坤呻吟語

雁門共事話司農。

（劉景澤司農）

無病呻吟清夜鍾。身體力行動且儉。不違忠

恕致中庸。

教敷五教在寬舒。開諭隨時慎厥初。接引須知從所好。春

風化雨寓琴書。

大膽還教學細心。潛修涵養蓄功深。淮陰出將南陽

相。蓋世雄才說古今。

○培孫兄以民族端午節慶弄璋爰將七律一首為鍾老賀

大師避地入山林。種德含飴喜氣臨。忌俗相傳王鎮惡。留賓爭說孟嘗君。

（孟嘗君王鎮惡均五月五日生）

宗臣紫服唐皇賜。繼寇降旂宋將擒。

（五月五日唐明皇賜李元振紫服又宋太宗以

五月五日征繼元降之）驅鬼速進鍾進士。此兒定抱濟時心。

○夏至日

可畏炎陽日最長。望陰望雨望風涼。書齋靜坐頻揮扇。熱度高於九十強。

（本日九十六度）

東陽今日祭田婆。

（東陽縣志夏至日凡治田者必具酒肉祭土穀神）

東章為神綠野

多。乍過麥秋收穫足。未來遠望得嘉禾。

○讀史有感

曹操空國伐吳邦。攻晉符堅恰一雙。深入驕兵同慘敗。會看難退又難降。
拿翁覆轍德相尋。似火焚燒水益深。敗戰數年元氣盡。至今大禍又重臨。

○六月廿五日明憲中學行畢業典禮

樹人興學濟時艱。十八年來度難關。

（創辦至今已十八年。因係私立學校經費困難）

明德潛

修期遠大。憲章抗戰格凶頑。

（三四句第一字嵌明憲校名）

文書高級剛三載。畢業初中

卅一班。

（是日文書科第一屆高級生及初中第卅一班畢業）

告別毫無兒女態。彬彬有禮盡歡顏。

○東三省之回憶

記得當年去瀋陽。乘車南滿我心傷。老頭鈔票通行廣。經濟權威早撤防。
指點商場二碼頭。吉林勝處在江樓。木排高架如山積。冰塊橫斜逐水流。
寒地難忘哈爾濱。松花江上過車輪。從知載重冰堅厚。天暖融

時在暮春。

齊々哈爾昔曾游。一日匆忙未久留。沙地土城何足道。課

農話園最清幽。

（課農話園在龍沙公園內）

○桂多生君作端節游泳詩依韻和之

一溪流動淺沙橫。安得乘風破浪行。鶴立喜看波有影。龍潛偶作水無聲。縱身共說雄姿健。仰面能教巧術生。競渡划舟何處覓。輕浮掉尾學長鯨。

○七月五日午刻縣警報

傳來警報自藍田。走入山林別有天。荆棘叢生蛇蟄伏。松杉密集蟻盤旋。風來側徑何其熱。日射斜坡有似煎。小立靜談無片刻。解除喜訊送峰巔。

○七月八日國立師範學院游泳場開幕

游泳場開繞國師。居安相戒不忘危。有如鵝集排三字。敢學龍吟賦一詩。白帽分明初學習。綠衣更替且追隨。（師院係綠色制服）淺深水性從頭試。豈是尋常作戲嬉。

○同日晚上師院開游藝會余唱平劇腔調用游泳場口占句

田地山林兩岸分。中流游泳共歡欣。今朝表演多精采。練習能教學海軍。

○書明威繼光練兵紀實後

戚家軍制各分科。條律嚴明二百多。（共二百
州四條）熟背先教文士講。（兵丁
字者先由文
人為之講解）當年成績逐東倭。（不識

○讀史忠正公集

信國前身有夙緣。文章功業共稱傳。（明史載史可法
是文天祥前身）忠謀正氣支危局。

奏疏家書七二篇。（四卷共七
十二篇）

○即席步教育部孟參事原韻二首

道義何妨擔鐵肩。筆耕避地走藍田。習勞勉力追陶侃。愧我無能學少年。
有如投筆去從軍。天馬行空視察勤。家世涪陵山水好。三遷遺教仰清芬。

○七月十三夜藍田城隍廟賽會

猶是承平象。鄉儺徹夜忙。扶書新太保。執戟衆田郎。金鼓聞三里。香亭獻
一方。有錢兼有力。何不重邊防。

附錄檢討文等三篇

(一)四十五年來五月痛史之檢討

自最高當局決定頒布精神動員命令之後。全國民眾對於下列目標。『國家至上民族至上軍事第一勝利第一意志集中力量集中』均有最深刻之認識。五月一日重慶廣播 總裁訓話。說明五月為國恥月。民眾亦深深感動。因此對於國恥月之事實。每多痛自省察。如學生時代雜誌。有五月紀念日簡史之作品。本院史地系考試。有五月國恥答案之問題。皆所以檢討既往。勉勵將來。為意志集中力量集中張本。今逢五月十五日講演本題。主旨亦與上兩者大同小異。惟檢討五月內之痛史。共得二十三節。因劃分為三個時期。第一為我國屢受屈辱之時期。凡十二節。第二為國民漸至覺悟之時期。凡七節。第三為局部點綫抗戰之時期。凡四節。以上三時期所發生之事實。皆為對日問題而起。並在四十五年來五月以內。茲分述如左。

(甲)我國屢受恥辱之時期：

(一) 烟台換中日和約。在距今四十五年前五月八日……即一八九五年之中日和約。亦稱馬關條約。共十一條。由李鴻章與伊藤博文於甲午戰後。在日本馬關所訂。內容為朝鮮獨立。割遼東、台灣、澎湖等地。賠銀二萬萬兩。蘇州、杭州、沙市、重慶、四處開通商口岸等條款。其第十一條謂：「中日兩國批准後。准一八九五年五月八日在烟台換約。」屆期日派伊東為換約專使。中國派伍廷芳為換約專使。到烟台後。伍說中國對割遼事不同意。實以早得俄德法三國之助。俄並派兵艦十。在烟台示威。伊東無奈。請示本國。日知中有三國之助。不得已而允還遼東。惟另索銀三千萬兩。訂遼南條約六款。在北京換約。此五八烟台換約之經過也。至甲午海陸軍戰敗之原因。(1) 以海軍餘款造順和。未能盡數用諸海軍。(2) 丁汝昌。不能統率閩人之充海軍兵將者。(3) 同是十二號船。我行船速力不如日本。(4) 炮發不能命中。(5) 陸軍行募兵制。老弱無用。(6) 以文臣統陸軍。不知用兵方法。積此數因。遂致失敗。清廷更與俄訂密約。圖報復。習德租

膠州。俄租旅大。法租廣州灣。英租威海衛。九龍之漸。雖意大利索三門灣。當時未允。美利堅則倡中國開放門戶之說。欲圖保全。自是以後。一千九〇〇年庚子之變。一九〇三年日俄之戰。一九〇九年日韓合併。可以說皆從甲午之役。五八烟台換約之事而起。

(二) 允許日本鴨綠江採木。在距今三十一年前五月十四日……即一九〇八年五月十四日。與日訂鴨綠江採木約。二十一條。局設安東。期二十五年。准免稅十分之二。於是我國木商大受損失。不能與日人相爭。

(三) 許日採本溪煤。在距今二十九年前五月二十二日……即一九〇一年五月二十二日。與日訂許採本溪煤。約定十五款。期三十年。以英於庚子後據冀東開平煤鑛為藉口。每煤一噸。稅銀僅六分。

(四) 許日採撫順烟台煤。在距今二十八年五月十二日……即一九〇一年五月十二日。訂約許日本採撫順烟台煤。期六十年。日出不滿三千噸時。稅應輕。按撫順烟台均在瀋陽附近。傍安東南滿綫。可知日俄戰後。日

之權力。已由海洋海港鐵道而進展至內地。

(五) 准許日本南滿鐵路運貨減稅。在距今二十六年前五月二十九日……即一九一三年五月二十九日。與日訂約。南滿鐵路運貨。減稅三分之一。時為民國二年。日本趁革命軍勢力。尚未及於東三省之時。始有此劫奪之手段。

(六) 日本提二十一條。致最後通牒。在距今二十四年前五月七日……即一九一五年五月七日。其時正值歐戰之際。日攻德租青島後。即提二十一條。於五月七日致最後通牒。限四十八小時答覆。一號四條山東事。二號七條。旅大東蒙事。三號二條漢冶萍事。四號一條中國土地不割與他國。五號七條。聘顧問警察事。

(七) 袁世凱承認二十一條。在距今二十四年前五月九日……即一九一五年五月九日。袁世凱承認二十一條。

(八) 山東德佔利益讓日。在距今二十四年前五月二十五日……即一九一

五月二十五日山東德佔利益讓日訂約四條實即二十一條中之第一號。

(九)南滿東蒙許日權利。在距今二十四年前五月二十五日……即一九一五年五月二十五日。南滿東蒙許日利益。計九條比二十一條中之第二號增二條。

綜上(六)(七)(八)(九)而論。今之為四節。其實還是二十一條中之事件。檢討二十一條早在是年一月內提出。商議許久。至五月七日方下戰書。五月九日依期限承認。顯係袁帝制自為。起初不欲宣布。此烟幕彈之作用。不知臨時約法第三十五條有云。「條約須經國會同意。」此種片面之承諾。竟欲以一手掩盡天下人耳目。是可忍。孰不可忍。國民自然誓死萬不能承認。

(十)訂中日陸軍共同防敵軍事協定。在距今二十一年前。五月十六日……即一九一八年五月十六日。靳雲鵬為國務總理時。與日本齋藤訂中日

陸軍共同防敵軍事協定計七條。

(士)訂中日海軍共同防敵軍事協定。在距今二十一年五月十九日。……即一九一八年五月十九日。沈燾堃與日本吉田訂中日海軍共同防敵軍事協定。計兩條。

其時歐戰尚未結束。俄與德中途言和。日恐俄東侵。因有此上面兩種協定。當時北政府圖借日債計幸未發生邊釁。否則不堪設想。在蘆溝橋戰事未發運動前。日本曾屢々要求中國加入防共協定。其毒計與此正復相同。

(三)許日本吉林濛江採木。在距今二十一年前五月二十八日。其時為民國七年。

檢討本期以內。因甲午一戰而受此種々奇恥大辱。如割地賠款。如爭奪港澳。如採木採煤。如割勢力圈。如運減稅。如軍事協定。種々束縛。一篇糊塗賬。在此第二期全面抗戰後。應該可以清算過來。

(乙)國民漸至覺悟時期：

(三)巴黎和會山東問題失敗。北京學生對日示威。在距今二十年前五月四日。時北京學生因巴黎和會山東問題失敗。進行之際。旗書還我青島。焚曹宅。毆章陸。各地罷工罷課罷市起而響應。顧維鈞王正廷在和會拒絕簽字。美總統聲明保留。至一九二一年因有華盛頓會議之召集。商魯案善後辦法。還青島。中國出贖路債券。接續又有美比英法意荷葡中日等九國公約之發起。於是英還威海衛。法承認廣州灣。九十九年滿期可還中國。惟曰不允還旅大。至於女權方面。湖南女界有五權要求之提出。

- (1)財產平等。
- (2)選舉權授與。
- (3)教育平等。
- (4)職業平等。
- (5)婚姻自由。

其後男女財產平等。定為法律。最近政府改五四為青年節。亦正為提倡蓬々勃々之朝氣。可以加增抗戰力量之緣故。

(四)上海開第一次勞動節大會。對日示威。在距今十九年前五月一日。……即一九二〇年五月一日。上海我國工人。因不甘受日人在上海辦紗廠之

種々壓迫始有第一次勞動節之開會。欲效美法等國八小時工作。八小時教育八小時休息之制。工會之勃興始此。

(主)非常總統就任有解除人民痛苦之宣言在距今十八年前五月五日。即一九二一年五月五日。非常總統就任紀念。為反對北政府濫借日債。所以宣言內有解除人民痛苦之說。北伐進展。實基於此。

以上(主)(副)(主)三節。均含有悲痛發奮之重大意義。確有可以紀念之價值。(去)長沙學生開始赴城外水碼頭查日貨。翌日發生六一慘案。在距今十六年前五月三十一日。……即一九二三年五月三十一日。長沙學生會。冒雨在長沙大西門外碼頭調查日貨時。日領田中得信。將命日艦伏見號。派水兵登岸。應交涉員楊宣誠勸阻。翌日日輪金陵丸到岸。因查貨事仍被擊死學生二人。重傷七人。輕傷三十人。所謂六一慘案是也。長沙公園有碑記可考此慘案雖未發生於五月卅一日。然動機之發端。實為五月卅一。

（五）上海日人槍殺工人顧正洪。在距今十四年前五月十五日……即一九二五年五月十五日上海日人在所辦之內外紗廠內，以槍刺殺工頭顧正洪。

（六）上海南京路發生五卅慘案。在距今十四年前五月三十日……即一九二五年五月三十日下午三時，上海學生暨工人為日人槍殺顧正洪事，並反對碼頭捐，反對印刷附律，在南京路廣西路口演講，被捕頭頭愛活孫命令開槍，當場死四人，傷三十餘人，捕二十餘人。余在場目睹，並於申訴時簽名作見證人。翌日罷工罷課罷市，結果總巡麥高雲捕頭愛活孫開除，賠償停工損失，給傷亡費，紗廠加工資。此後公共租界上會審公廨，因以收回，並促北伐之成功。

（尤）濟南五三慘案。在距今十一年前五月三日……即一九二八年五月三日北伐軍至濟南時，日本派兵至山東佔膠濟路，殺我交涉員蔡公時，並屠殺人民，經黃郛交涉，始訂屈辱協定，此亦奇恥大辱也。

檢討本期以內國民革命軍之勢力。由南而北。漸至統一之階段。惟不為日本所願聞。結果竟演成九一八之鉅大慘變。國聯亦復敷衍了事。須靠我全面抗戰。方有復興希望。

(丙) 局部熱綫抗戰時期：

(三) 上海停戰協定。在距今七年前五月五日……即一九三二年五月五日。按九一八事變後。上海十九路軍於一二八有對日之抗戰發端地點。在開北天通車站附近。八十七八師加入戰近一百日。余家住開北寶山路。鴻興坊全部被燬。後以日海軍在瀏河登岸。恐被圍。並受美國領事之調停。遂於五月五日簽所謂上海停戰協定。內容劃出緩衝地帶。如西北以白茆河口至西南安亭為界。又西北以白茆河長江交點起至東北吳淞口為界。又東北以吳淞口沿黃浦至外白大橋為界。東南以蘇州河外白大橋起沿蘇州河至西南安亭鎮為界。規定此項區域以內。不許中國駐兵。您想可痛不可痛。

（廿）塘沽協定。在距今六年前五月卅一日。……即一九三三年五月卅一日訂所謂塘沽協定。余於此項協定時。曾以收回山海關扶輪學校事。至山海關政察。見北寧路一帶日貨充斥。毒化徧地。山海關上面。並見羅列敵軍墳墓。敵兵檢查極嚴。自天津至山海關。未見過青天白日旗。可痛也。

（廿）何梅協定。在距今五年前五月二十九日。……即一九三五年五月二十九日。訂所謂何梅協定。余於此項協定後。曾至天津車站某中學講演救亡事。後竟在北平被拘。其時平津環境之惡劣。不言可喻。

上列（廿）（廿）三種協定以內。均有所謂緩衝地帶。究係暫時性質。非貫徹主張積極全面的抗戰。殆無遂我河山之望。

（廿）徐州我軍後撤。在距今一年前五月二十日。……即一九三八年五月二十日。查自蘆溝橋七七事變八一三上海抗戰後。抗戰至是時。不幸徐州又告失守。其時許多據點。雖為敵人所得。但從戰爭之實際上說。彼愈深入。陣綫愈長。防守愈難。陳誠將軍曾說過第一抗戰前期。日死一人。我死

三人。後期即倒轉變為我死一人。同死二人。此係一例。我意以持久戰消擊戰。各以無數最小單位相機應付。最後勝利。必屬於我。

總檢討上面。(一)至(七)說屢受恥辱之經過。(七)至(九)說漸至覺悟之經過。(十)至(十二)說點綫抗戰之經過。然尚未至全面抗戰時期。我國四十五年以來對日問題。得了許多教訓。得了無數經驗。正如睡獅初醒。雖身上百孔千瘡。猶能盡力起而掙扎奮鬥。以期出死入生。又如大海泛舟。風浪絕大。水已打入舟內。猶幸把舵者方針確定。誕登彼岸。不無希望。所冀全國同胞於此武漢撤兵第二期抗戰開始之際。仰體

總裁大智大仁大勇之精神。快快精神總動員起來。無論在游擊之前方。在防衛之後方。統要有錢出錢。有力出力。改正醉生夢死的生活。養成奮鬥蓬勃之朝氣。革除苟且偷安之惡習。糾正錯雜紛歧之思想。打破自私自利之企圖。服從中央政府之指導。確遵國民公約之信條。夫然後可以智者不惑。仁者不憂。勇者不懼。一直做到不怕難不怕苦不怕死的地

步。換一句話說。因此可以雪耻辱。真覺悟。達到抗戰必勝建國必成的目的。

(二) 七七抗戰兩年來之檢討

孟子曰。出則無敵國外患者。國恒亡。禮記云。國恥足以興之。中庸云。知恥近乎勇。孟子曰。故君子有不戰。戰必勝矣。此抗戰必勝建國必成之理由也。僕避地餘生。不作順民。興亡有責。發表此文。紀念抗戰。七七重臨。總綱有七。略談交兵。子目附七。點綫分清。數符七七。目觸心驚。崇敬 先烈。策勵國人。

一、兩年敵方侵略之步驟

敵方步驟。乘明治遺策。依田中奏摺。次第實施。九一八。暨一二八後。乘機又得可怪之協定三。所謂上海協定。塘沽協定。何梅協定是也。侵略內容。以上海冀東。平津。等處。劃為緩衝地帶。然猶未足。必欲與我組織反共陣綫。而於東北四省。改偽滿洲國。外。尚欲以綏察冀晉魯五省。改偽蒙古國。偽華北國。今解中華民族。手段之辣。居心之狠。全國同胞。當有最深刻最痛切之認識。此應檢討者一。

二兩年前七七抗戰之起因

二十六年七月八日。僕在鐵道部閱中央日報號外。知前一日蘆溝橋發生事變。時適友人索書便面。當取筆成蘆溝橋抗戰詩一首。書而與之。詩云。敵軍誑說兇騎兵。炮火連天炸宛平。死裏求生惟抗戰。蘆溝橋畔責非輕。此記七七蘆溝橋抗戰事也。按敵以尋覓員兵為名。引起外交軍事問題。此係慣用之故技。按瀋陽中村事件。南京藏本事件。均其先例。中外皆知。無可諱言。蘆溝橋在永定河畔。當平綏平漢兩綫之衝。舊為巡檢駐紮地。今改宛平縣城。與附近長辛店豐台之市面相彷彿。駐兵僅一營。七月七日敵以搜尋騎兵為由。入城搜查。守城者以理直氣壯之態度。拒絕搜查。敵人以為豐台守兵。尚且以禮讓了事。宛平守兵無多。何獨不可允許搜查。先之以威嚇。繼之以襲擊。調停無效。抗戰以成。不但擴大。後且加強。此亦敵人初意所未料者。當初敵軍以為戰事短期內可告結束。今敵陸相最近有準備五年十年或二十年之戰爭。國人未可忽視。此應檢討者二。

三、兩年來雙方死傷比較數之一說

抗戰兩年。雙方死傷之多。至足驚人。據路透社外國軍事專家稱。中國死一百萬人。傷一百萬人。敵方死四十萬人。傷六十萬人。此項估計。是否估計中國太高。敵方太低。姑且不論。惟開始抗戰之一年半。我軍死傷極多。例如河北南口之役。上海大場之役。江西九江之役。我軍壯烈之犧牲。破戰史上新紀錄。為歐戰時所未見。外人又有稱華方與日方。在滬戰期死傷數。為五與一之比。蓋敵以立體式之戰爭來。我多半以平面式之肉搏相周旋。氣雖盛。而器不足以當之。犧牲過大。不合代價。何如暫避為宜。或多方游擊以困之。或待其將斃而殲之。此戰略也。故抗戰兩年中。在最後之半年。敵兵愈深入。我軍死傷之數反較低。以空間換時間。於變更戰略下。原使不耗主力。期可反攻。此種事實。不可謂非愈抗戰愈有精神之明證。此應檢討者三。

四、兩年來國際方面對我之情感

世界上主張正義之各國。對我抗戰。深表同情。捐於難民之款項。衣食藥品。可

說無微不至。抗戰第一年。日機擊英大使許蘭森。長江內炸美艦已納稅。抗戰第二年。海南島被佔而法不為然。津英租界被封鎖而英備抵抗。諸如此類。提抗議書至東京者。不下數十通。日內瓦國聯。對日之侵華。群起不平。通過個別援華案。英美法對我均有信用借款。蘇俄又以飛機及駕駛員供給中國。雖未甚充分。而與我自力更生之初意。尚相符合。故國際情感。除德意以外。其餘已屬融洽無間。直接間接。尚有若干之好影響。此應檢討者四。

五、兩年來漢奸與偽組織之漸趨末路

敵人收買各級漢奸。無所不用其極。有所謂宣撫班者。幫助漢奸組織各級機關。其大者如北平南京偽政府。乃至維新偽政府。大權仍操敵手。印偽鈔。收重稅嚴檢查。解煙禁。開賭局。設官妓。毒化我民。一般漢奸。惟敵人之命是從。不知人間有羞恥事。浪人獸兵。又到處奸淫擄掠。無惡不作。其甘心賣國者。又如敵軍入山西省。倘無大同軍長作內線。如何能攻入太原。上海市八一三之戰。如無漢奸作金山衛引導。如何能攻入上海南市。山東省如無韓復榘之為敵利。

用又何至放棄濟南。其長江流域之江陰。江西省彭澤之馬當山。以及九龍東首之大鵬灣。如無內奸接引。更何能通過或登陸。最可怪者。有曾任行政院長教育廳長者。而亦別有肺腸。甘為敵用。是真狗彘不食全無心肝者矣。天地間幸尚有正氣。中國前途尚非絕望。致兩年來暗殺漢奸之案。發生不下百餘起之多。而殺曾仲鳴陳錄李國杰輩。為各報所盡載。頗足以寒漢奸之膽。此應檢討者五。

六、兩年抗戰所得寶貴之教訓

敵軍知不能速戰速了。於是欲速戰速和。在南京未撤兵前。曾托駐華德大使陶德曼提和議。上年十二月。又由敵相近衛提和議。均為我所堅拒。而我則鑒於兄弟閱牆外禦其侮之訓。從此國共合作。李白諸將。服從中央。一心一德。因抗戰而反以促成精神之團結。從物質上說。外貨入口者少。愛用國貨者日見其多。（例如兩年前上海華商紗廠三十一家。今僅存兩家。其餘有設法遷移。為內地所極歡迎者。有謀消極抵制以待時機者。非盡關閉也。）物價增高。人知

節儉。米價飛漲。人知勤奮。（例如上海米價。一年前十二元一石。今漲至二十元以上。內地如藍田。兩年前六元一石。今漲至九元八角。於是工作不能不出於勤奮。以圖補救。）即以兵器補充言。除購自他國外。毀路之鋼軌。盡充製槍之材料。戰法更以實地經驗而多所改進。拙以制巧。寡能敵衆。在器械不如人之我國。不得不化路為田。並借此以緩制急。使敵人機械化之兵器。無所施其技。又況我之政治活動。在游擊區照常進行。民德以困苦艱難而益進。生產問題。得以盡力開發。國民公約。人知遵守。精神動員。受訓者衆。此皆兩年來最寶貴之教訓。可知教育百年不如大戰二年之為確論也。此應檢討者六。

七兩年來被佔縣綫不難逐漸收復

水陸交通。戰時以運兵為重要。惟處置配備一不得當。凡我之可以引為重要者。敵苟得之。進佔亦屬便利。檢查兩年中起初之半年。為抵抗最烈犧牲最大之時期。故戰綫尚不甚長。如上海市之開北。如河北省之南口。皆在此時期被佔。其徐州開封九江武漢南昌等處。在兩年中最後之一年半放棄。為不得代

價決不放棄之時期。抗戰前兩年均在交通便利之點綫。故敵人佔據稍易。今後戰區山岳地帶為多。敵人進兵自然較難。而我之反攻比較獨易。就被佔之點綫言。截至現在止。被佔之點綫雖有如下列七種。惟處處可以迎虛襲擊。崩潰之期決不在遠。

1、海洋交通點綫之被封鎖者。如天津、烟台、青島、海州、上海、海門、溫州、定海、福州、廈門、汕頭、廣州、北海等處。

2、鐵道綫之全被佔據者。如北平、京滬、滬杭、膠濟、南潯等處。

3、鐵道綫之局部被佔據者。如隴海、平綏、平漢、津浦、正太、粵漢、同蒲、京贛等處。

4、公路之被佔據者。就江浙言。如滬錫公路、京杭公路、錫宜公路。以及其他各縣各省公路。

5、長江點綫之被佔據者。如通州、江陰、鎮江、南京、蕪湖、安慶、九江、漢口等處。

6、湖岸點綫之被佔據者。如太湖之湖州、蘇州、常州等處。如巢湖之合肥。

等處。如鄱陽湖之湖口等處。如洞庭湖之岳陽等處。

7、內河點綫之被佔者。如江蘇省之無錫揚州清江浦。山東省之濟寧。浙江省之平湖。其數不勝枚舉。在游擊逐漸推進中。旋失即可復得。均略以上點綫。其長度何止萬里。以南京蘇州言。敵兵盤據城市。不敢出郊外。處受我攻擊。其餘據點。亦復如是。西諺云。如手入蜜罐。如足入泥淖。不能擺脫。無法下台。孫子九地篇云。聚三軍之衆。投之於險。今日敵軍之謂也。以政府最近所宣布觀之。游擊反攻之成績。比前確有驚人之發展。此應檢討者七。

檢討既畢。覺茲事體大。為國家生死存亡唯一之關鍵。個人見聞有限。山中苦無雜誌書報資參攷。統計材料尤缺乏。不能紀實於萬一。希

國內明達痛加糾正。可使得到較明確之根據。由意志集中。進而為力量集中。知己知彼。百戰百勝。庶幾持久抗戰。在

最高當局統制之下。或不無小補云。

(三) 吳其璽手之答案

心理學名詞。有所謂聯合表象者。往往以理解從前之文字。牽聯及於今之地域。或以已往之事實。聯想至現在之象徵。因彼及此。先後關聯。於言文思想各方面。時時可以接觸而表現。其例不勝枚舉。余吳縣人也。當然以吳事為最關心。試以前例表而出之。

二十八年七月十三日。讀史記越王勾踐世家。至子胥言曰。王不聽諫。後三年。吳其墟乎等句。不覺掩卷而歎。心為之忤忤然動。原夫二千四百餘年前之吳越相爭。越為浙江省紹興縣地。今尚未為敵所據。吳為江蘇省吳縣地。今已變為游擊區。說文墟字作大坵解。然从土从虛。亦含有淪陷之意義。傷哉傷哉。按當時子胥之言。以為吳王不聽諫。三年後。吳恐將為敵所滅。都市不免平而為墟。其意盡如此。往史且不提。特借此問句。設想我可愛之家鄉。吳縣。今則何如。就余在避地之前。二十七年七月。身所親歷。目所親睹。以及心所謂危者。姑作一吳其墟乎之答案。為旅外多年之邦人告。

(一)蘇州火車站之西式房屋。被燬至僅有頽垣斷壁。敵人在原有噴水泉處。

架木棚。為出入口。購票時。拒用法幣。驗票後。須以藥水澆身。站門外有若干賣日本香煙之小販。以軍用票供人兌換。

(二) 閩門外馬路。如福安茶居義昌福酒館新蘇台旅社一帶。向稱熱鬧市場。竟成一片焦土。三新東吳等旅館。則已變作日韓妓女之待合所。蘇錫汽車站原處。今改大直公司汽車站。赴上海者。每人約六元。並須備照片及通行證。

(三) 金門口有敵兵把守。出入必行禮。坐車者必令下車步行。必舉手使任意檢查。稍不如意。輒遭毆擊。

(四) 閩門外渡僧橋西。為蘇滬蘇錫蘇甯往來之輪船碼頭。搭客擁擠。船價甚昂。到上海統艙。須三元至五元。懸德意日葡等國國旗者多。船上並雇有浪人。以為對付檢查時之工具。

(五) 景德路之遂園及汪氏義莊等處。一度為宣撫班暨自治會所用。附近小飯館。多女子作招待。觀前街東西。均有銀行藥房商店十餘家被燬。未燬

者亦未甚願正式開門。設攤賣買。均在當街兩邊。焉非舊貨。即屬仇貨。可痛也。

(六) 宮巷內東邊。有兩三家被燬。青龍橋西境。有兩家被燬。東北塔子巷。有三四家被燬。道前街善長巷。有二三十家被燬。非居家。即商店。目的何在。不可思議。

(七) 敵軍初至蘇州時。居民往來。必令以太陽旗纏臂上。表示願作順民。其實於心皆所未願。但亦有極少數漢奸纏此以為榮耀者。恥孰甚焉。而余則始終對此不願有所表示。故不得不遁而之他。

(八) 火車站蓋有草屋營房。天賜莊東吳大學。三元坊蘇州中學高中部。均駐有敵軍。三處不下兩千人。而以東吳大學為最多。

(九) 草橋蘇州中學初中部。所蓋房屋。大部分為余州年前所經手量地。而由經同源水木作所承造者。今與王廢基公園圖書館。同燬於敵軍之疏礮彈。

(十) 居鄉而稍有資產者。多匿居城內。四郊之游擊隊極活躍。北之蠡口。東北

之官清里。均有較劇烈之戰事。地方上明達自好之人。早已去而之他。申報載偽民政廳秘書姚某。最近為游擊隊所擊斃。人心為之一快。其餘漢奸。從此痛改前非。誕登彼岸。亦未可知。游擊區政治活動。亦正在進行之中。從以上種種事實之證明。知吳地之被蹂躪。既至於此。然而人心未死。雖至童稚婦女。對於敵人。亦均痛恨切齒。敢怒而不敢言。假使一旦外有攻擊。內必起而響應。決不至永久淪為墟墓。還我湖山。未始無望。此余抱有樂觀之答案也。謂余不信。且觀將來。

校對既畢。覺第三十五頁尚有可以補白之處。因將最近詩及精神總動員目標青年守則。分別附錄於後。

七月十九日上午十一時藍田聞警報

長沙劫火早成灰。警報今聞常德來。相約且從林下避。松風拂面儘徘徊。秘書處階前有鳳仙花四種

階前四色鳳仙花。深紫孤高白最差。一樣風光嬌弱態。大紅還比粉紅華。

國民精神總動員目標

國家至上

民族至上

軍事第一

勝利第一

意志集中

力量集中

青年守則十二條

- 一、忠勇為愛國之本
- 二、孝順為齊家之本
- 三、仁愛為接物之本
- 四、信義為立業之本
- 五、和平為處世之本
- 六、禮節為治事之本
- 七、服從為負責之本
- 八、勤儉為服務之本
- 九、整潔為治身之本
- 十、助人為快樂之本
- 十一、學問為濟世之本
- 十二、有恒為成功之本

△七月二十九日閱報後補白

腥風血雨戰雲橫 侵略渾忘九國盟
黃種抗爭難少息 白人出賣不平鳴
宣言廢約摩推美 屈服無聊獨愧英
詭計外交終失敗 須知自力可更生

